

**Rector Universitatis Rostochiensis Joachimus Stockman, Phil. & Med. D. ac Prof.
Ad Exsequias Quas ... Elisabetae Achtermannin/ Maritus maestissimus Vir
Reverendus ... Dn. Henricus Clingius, SS. Theol. Licent. & P.P. des. hodie ...
paratas cupit, Omnes Academiae Cives ... invitat : [P.P. Rostochii sub sigillo
Rectoratus d. XXVIII. Febr. Anno Christi cl Ic L.]**


Rostochii: Kilius, 1650


<http://purl.uni-rostock.de/rosdok/ppn745848044>


Druck Freier  Zugang



Stockmann, J.,
in E. Achtermann,
uxor. H. Cling.
R. 1650.







RECTOR

Universitatis Rostochiensis

JOACHIMVS STOCKMAN,

Phil. & Med. D. ac Prof.

Ad Exsequias

Quas

Conjugi desideratissimæ

ELISABETÆ Achermannin/

Maritus mæstissimus

Vir Reverendus & Excellentissimus

DN. HENRICUS CLINGIUS,

SS. Theol. Licent. & P.P. def.

hodie paratas cupit,


*Omnes Academia Civis studiosè ac dili-
genter invitat.*



ROSTOCHII,

Typogr. NICOLAI KILLII, Acad. Typogr.

ANNO M. DC. L.



Uæ non ita pridem, in solemnibus nuptiarum festiuitate, plausibus ac cantu tibiarum personabant ædes: hodie in summo squalore & luctu, neniis ac planctibus undiq; versum miserabiliter perstreperere videmus, postquam nimirum viri Reverendiatque Excellentissimi DN. BERNHARDI CLINGII, S. S. Theol. Licentiati & Professoris P. Des. Caja dilectissima in vivis esse desit. Hinc intelligere est, quàm arcto nexu in mortali hoc orbe Dolor & Gaudium iuncta sint: quamq; non temerè Angerioniam & Volupiam prisce eodem in sacello coluerint: ut quod de fortuna Plinius, nos de Providentia divina, cuius iudicia mirari potius, quàm rimari fas est, dicere possimus: Etenim quæ facit magna gaudia nisi ex malis? aut quæ mala immensa, nisi ex ingentibus gaudiis? Bene quidem cum beatissima ELISABETA actum est, quæ per mortem omnium rerum postremum beatissimo spirituum æthereorum, quos sanctimoniâ vitæ heic expresserat, consortio & societati iuncta est: sed acerbum hoc accidit Marito dicam ne an viduo mæstissimo? qui unicum sibi sublatum solatium, ereptum adiuumentum, avulsam non partem aliquam corporis, sed cordis plusquam dimidium dolet. Apud Romanos olim ad bellum usq; Punicum secundum mos fuit, ut pretio conducerentur mulieres, quæ venales

venales animæ in funere plorabant, capillos scindebant
& clamabant magis, quàm qui ex animo dolebant. In
in præfenti funere non opus est præficis, quæ vicarias &
mercede expressas lacrymas effundant: non jalemi-
striis, quæ veniam argutam & nugacem in defunctam
concinant: satis ex animo dolet ac cælum questibus im-
plet afflictissimus viduus: eoque magis in squalore &
luctu jacet, quò plures lugendi, & dolendi majores ha-
bet causas. Quæ ut manifestæ fiant omnibus, nec ali-
qua occasio detur de excellentissimi CLINGII luctu
sinisterius judicandi; agite vitam feminæ hujus totam
explicemus, atq; eam in oculis conspectuq. omnium ita
exponamus, ut liquidò constet ELISABETAM ætatis
suæ fabulam rectè peregisse, nec aut in limine imegisse,
aut in medio actu cespitasse, aut in extremo corruisse.
Edita in hanc lucem fuit, anno post CHRISTUM na-
tum clo Jbc XXII mense JAN. patre GEORGIO Ach-
termann viro amplissimo, Patritio & Consule apud
Brunovicenses gravissimo; matre LUCIA à Strom-
beck/ taminâ patritii feminis & bonæ famæ. Quâ ante
annos aliquot defunctâ Pater ad secunda vota transit,
& sibi connubio junxit stabili propriamque dicavit
virginem lectissimam DOROTHEAM Reichen Con-
sulis Ampl. HENRICI Reichen ibidè filiam, Avum pater-
num habuit GEORGIUM Achtermann virum pruden-
tissimum, & Consulem itidem apud Brunovicenses
quondam meritissimum: Aviam paternam Ilse Schra-
ders ex antiqua SCHRADERIORUM familia oriun-

dam, Avus maternus Ei fuit CONRADUS à Strom-
beck / & ipse olim Brunovicensis Reip. Cos. laudatissi-
mus: avia materna EMERENTIA Pauls ex vetustis-
sima PAULIARUM familia prognata, quæ parentem
habuit CONRADUM Pauls J. U. D. & Serenissimi
Electoris Saxonici Consiliarium. De quibus omnibus si
dicere ingrederer, virtute ac dignitate prælustribus vi-
ris: aut de paternis majoribus, tum de maternis para-
rem exponere, quæ par erat, à brevi hoc albo, ad com-
mentarios integros atq; volumina progredi oporteret.
Nata igitur Nostra feliciter cunabulis splendidissimis,
sed salutari fonte feliciter renata. Est quidem excellens
quiddam atque magnificum natalibus nobilissimis or-
tum esse: sed ita tamen, ut ejus fructus ultra splendo-
rem vitæ, quam inter homines ducimus, haud constet.
Nam in cœlesti illa divinaque non clypei majorum &
casides; sed unicum Servatoris vexillum; nec sanguis
alius, quam quo redempti, æstimatur. A quo qui saluta-
rem duxerit notam, neque perdiderit, hic undecunq;
aliàs natus sit, illicò jus civitatis æternæ, quæ mater
omnium est, consequitur, & inter cœlites cooprat.
Procedente ætate parentes ejus nihil prius aut potius
habuere quam ut pietatis ac virtutum semina, quæ à
patre traxisse, maternoq; cum lacte imbibisse videba-
tur, studiosè deinceps excoleret, in omni vita sua,
omnibus in actionibus circumferret, nec unquam de-
poneret. Non minore curâ ac studio cæteram quoq; so-
bolem ad omnem pietatem ac probitatem æmulan-
dam

dam non tam dictis quam factis, nec tam præceptis quam
exemplis informatam & eductam accepimus. Habuit
enim Nostra fratres germanos duos GEORGIUM &
CONRADUM, & sorores sex: ILSÉN EMERENTI-
AM, ANNAM, DOROTHEAM, LUCIAM, MARI-
AM, E quorum numero quatuor, utpote ILSE, DORO-
THEA, LUCIA & CONRADUS partim in flore ætatis
partim in infantia fato cesserunt. GEORGIUS verò
postquam studio Juris & Prudentiæ politicæ unice in-
cubens, Belgiū, Angliam, Galliam, & Germaniam supe-
riore maximo cū fructu visisset, domū reversus naturæ
& voluntati divinæ atq; Parentum obtemperans cum
LUCIA à Vechelts ex nobili VECHELTIORUM
familiâ ortâ conjugium iniit. EMERENTIA soror
Dn. GVNTHERO Santelmann Patritio Brunsvicensi
& totius rei molaris ibidem Præfecto summo nupsit.
Altera ANNA elocata est Dn. JOANNI Schwale-
berg Patritio & Senatorii ordinis viro: MARIAM soro-
rem tertiam in matrimonium duxit Dn. HERMAN-
NUS CONERDING Medic. D. usus callentissimus, vir
patritii generis &

qui mores hominum multorum vidit Turbes.

Sed ad Nostram pie Defunctam tandem rever-
tamur. Cùm igitur in parentum vitam inspiceret
tanquam in speculū: ex illis sumebat exemplum sibi, &
virtutibus mox à teneris, maxime pietati, quæ virtutum
mater, ex præcepto Christi, sedulam operam dabat, qui-
bus & Dei favorem, & hominum amorem sibi demere-
batur,

batur, sic ut juvencula, etiam cum vix dum esset viri-
potens, à multis peteretur. Præ cæteris autem pietatis
& pulcritudinis suæ amatorem invenit virum reveren-
dum atque excellentissimū Dn HEINRICUM CLIN-
GIUM SS. Theologiæ Licent. & P. P. def. cui AN. c. l. b.
Ibo XLVIII. d. XXVII. Junij rite & castè nupsit. Ab eo
tempore quàm crebri inter novos conjugēs comple-
xus, quàm svaves svaviationes, quàm compressiones ar-
ctæ, quàm tenerorum labellorum molles morsiuunculæ,
quanta animorum inter ipsos & voluntatum conjun-
ctio fuerit, non potest quenquam apud nos clam esse.
Et cur Maritus irasceretur illi, quæ ipsum ut Dominum
suum Saræ instar colebat, ut caput suum venerabatur,
ut maritum amabat. Nec verò ELISABETA quic-
quam causæ habebat cur succenseret marito tam docto,
& apud summos, medios, infimos gratioso, quique
Conjugem suam tanquam vas fragile pro suâ pruden-
tiâ leniter tractare, & dissimulando, si qua inciderent
adversa, leviora reddere & mesitare noverat. O con-
jugium felix! ô fortunatum! Utinam verò diutius du-
rasset! Expertus est excellentissimus Dn. CLINGIUS,
ô dolor, verum esse, quod Ascræus olim poëta scripsit:
ipsa dies quandoque parens, quandoque noverca est.
Quemadmodum enim Ipsi Kalendæ Februarii in hoc
año lætissimæ illuxerunt, dum in lucem edebatur fi-
liolus, cui nomen GEORGIO BERNHARDO: ita
eundem ejusdem mensis dies XVI. adverso & tristissimo
casu involvit, dum Marita laboribus partûs fracta & vi
dolo-

dolorum victa paullò post hac luce privatur. Nam cum felici partu filiolum edidisset (sunt verba Dn. Medici) nec in principio graviora puerperii accidentia pati ulla videretur, postea tamen adeò ea accumulata sunt, ut omnem Medicorum industriam malo superante paucorum dierum spatio viribus ægra deficeret, & diem suum quam placidissimè obiret, relicto, ut diximus, filiolo egregio, in quo jam mœstissimus parens tanquam in unico cimelio & deposito à carissima uxore sibi relicto conquiescit, utinam diutissimè. Cum instantem decretorium illum diem, qui quicquid nostri mortale est semel aufert, jam præsentiret, vocari ad se petiit reverendum & clarissimum virum Dn. M. JOANNEM CORFINIUM ad ædem B. Virginis Pastorem, ut & Phys. ac Metaph. Prof. P. Collegam nostrum honorandum, cui cum peccata sua, devotâ confessione, confessa esset, eorumq; plenariam remissionem impetrasset, sacro se convivio corporis & sanguinis CHRISTI pasce ac refici curavit. Hoc viatico instructa fiducia plena, plena consolationis & spei Christianæ in portum inventa est, ubi fruitur vitâ & lætitiâ linguam & mentem humanam superante, quam post Prophetam, Ethnicus etiam vates non exprimendo, exprimere voluit, cum scriberet.

Non hac humanis oculis objecta fuerunt.

Non aures capiunt, minor est angustia mentis.

Quæ licet ita se habeant, tamen haud dubium est, quin superstes Maritus hoc Cajæ suæ, quæ per ætatem diu etiam


jam


jam superesse potuisset, decessu in tristitiam & luctum, haud levem conjectus sit, quem amor quidem conjugalis imperat, modum tamen Christiana nostra professio imponere debet; quæ voluntatem DEI nobis exponit, ad quam nostra formari debet; quæ providentiam ejus nobis commendat, per quam nihil omninò fieri potest ac debet, quod non fiat justo tempore, justo ordine, justo modo: quæ nostram nobis conditionem in animum revocat, quâ sit ut vita nemini detur mancipio, omnibus usu. Quæ & alia si rectè considerentur, & verâ fide accipiantur, nihil est quod immodicam tristitiam & luctum, si non totum tollere, saltem ex parte minuere atq; mollire per temporis diuturnitatē queat.


Nos verò, CIVES ACADEMICI, nostro quoq; officio satis facere par est, & propter defunctam, & propter nosmetipsos, Quis scit an & nostræ hodiernæ crastina summæ DEUS adjiciat? Faciamus igitur alteri, quod nobis fieri optemus, quod caritati Christianæ convenit; quod cōmunis etiam humanitatis officia flagitant. Eamus frequentes exsequias, & inter eundem mortalitatis memores ÆTERNITATEM COGITEMUS! P.P. Rostochii sub sigillo Rectoratus d. XXVIII. Febr. Anno Christi clō lōc L.

*Conventus fiet in templo B. Virginis sacro
horâ primâ pomeridianâ.*

••(o)••










dam non tam dictis quam factis, nec tam
exemplis informatam & eductam ad
enim Nostra fratres germanos duos
CONRADUM, & sorores sex: ILSE
AM, ANNAM, DOROTHEAM, LU
AM, E quorum numero quatuor, ut po
THEA, LUCIA & CONRADUS part
partim in infantia fato cesserunt. GE
postquam studio Juris & Prudentiæ p
cubens, Belgiū, Angliam, Galliam, & G
riorē maximo cū fructu vixisset, domū
& voluntati divinæ atq; Parentum o
LUCIA à Bechels ex nobili VEC
familiā ortā conjugium iniit. EME
Dn. GVNTHERO Hantelmann Pat
& totius rei molaris ibidem Præfect
Altera ANNA elocata est Dn. JOA
berg Patritio & Senatorii ordinis viro
rem tertiam in matrimonium duxit D
NUS CONERDING Medic. D. usus
patritii generis &

qui mores hominum multorum vidit

Sed ad Nostram piē Defunctarū
tamul. Cum igitur in parentum
tanquam in speculū: ex illis sumebat
virtutibus mox à teneris, maximē pie
mater, ex præcepto Christi, sedulam o
bus & Dei favorem, & hominum am

A 3



quam
habuit
IM &
ENTI-
MARI-
ORO-
atatis
S verò
icè in-
n supe-
naturæ
is cum
ORUM
soror
vicensi
nuptie
valen
A soro-
MAN-
nus, vir
rever-
iceret
n sibi, &
rtutum
at, qui
emere-
batur,